


www.BibleForChildren.org



Genesis 6



Seini se indan tepad ki Noe.
Diyà te kedita te otaw, olò si
Noe se eg-inang te metòlid,
aw wedad palos isila kandin.


Migpedomaay si Noe aw Timanem.

Pegtengteng te Timanem diyà
te tanà, kinità din te


tomalag
iyan medaet, so
gayed medaet se
eg-inangen
te kedita te otaw.



Minikagi se Timanem diyà ki Noe, “Tod ko,
igelaen ko den se kedita te otaw, so
nelegeb den se kebelad te tanà te medaet
eg-inangen dan. Yan ontò ko dan bàtan
sipat te kedita dini lanto te tanà.”




“Yan peg-inang ka den te arka te mèpiya
kemolò te kayo amon doen sekayan nikaw.
Peg-inang ka te minge tambì doton te
arka, aw pemolit ka kenyan doton
didalem aw doton te lowà.”



“Sebad gatos ketlowan
teg telo mitro se kelayat
niyan, aw kelowan teg
dowa mitro se
kebelad
niyan, aw


sempolò teg telo
mitro se kelangkaw
niyan.”



“Peglolan ka heman te
medita kemolò te kànen
amon doen kànen te
kedita niyo.”



Pengibing ka heman te meama aw bayi lekat te
tegsebad-sebad kemolò te ayam-ayam, menenanap,
aw manok amon eked iyan kegelà.




Pengibing ka te sebad meama aw sebad bayi lekat te
tegsebad-sebad kemolò te ayam-ayam aw menenanap
eked kepakay sonogen aw ibegay diyà kanak,
meneng pengibing ka te pito meama aw
pito bayi lekat te tegsebad-sebad kemolò
te ayam-ayam aw manok mepakay
sonogen aw ibegay diyà kanak.




Peg-inang ka kenyan amon todà
megbowad-bowad se kedita te
kemolò dini lanto te tanà.






Minawop
sikandin diyà te
arka sipat te
esawa din, munge
batà din, aw munge esawa
dan, amon eked dan kegelà
aw melinep se tanà te wayeg.



Peg-apet te enem gatos
se omay i Noe, te pitsa
sempolò teg pito te ikedowa te
bolan te omay sìyan, neowang se
kedita te selep doton didalem te dagat,
aw neowang heman se kedita te linekatan
te odan doton te langit.





Penga niyan, minodan te kepatan
se aldaw aw kepatan se delem.


Gayed timilles se wayeg diyà te
lanto te tanà, aw miclepaw-lepaw
se arka diyà te lanto te wayeg.




Gayed timilles se wayeg diyà te lanto te tanà lamig
nelinep te wayeg se kedita te melangkaw bontod.
Nematay se kedita doen pedowan dini lanto te tanà.




Wedà kelibeli te Timanem si Noe aw
kedita te menenanap aw ayam-ayam
doma kandin simakay te arka.
Impekedog te Timanem se kelamag,
aw migtebò den se wayeg minuyud.





Penga te kepatan se
aldaw, inawang i Noe se
bintanà te arka, aw
binoloyan din se sebad owak.
Pegkenamay-namay, binoloyan
heman i Noe se sebad selepati,
amon ketegahan din aw
migkepangkag se tanà.



Peg-apet te pitsa kelowan teg pito te ikedowa te
bolan, ontò migkepangkag se tanà. Yan minikagi se
Timanem diyà ki Noe, “Lowà ka den lekat
te arka sipat te esawa nikaw,
menge batà nikaw,
aw menge esawa dan.”



Penga niyan, miglodok si Noe te minge bato amon
meg-inang sikandin
te sonoganan te
ayam-ayam ibegay
diyà te Timanem.



Inimetayan din se sebad diyà te tegsebad-sebad
kemolò te
ayam-ayam aw
manok mepakay
sonogen aw ibegay diyà
te Timanem, aw sinonog
din se kedita niyan kidoen.



“Doen pengilala
inangen ko amon
ketegahan niyo te
gayed ko tomanen se
pakang ko kenyo aw
kedita doen pedowan dini te
keneyonan te wedad temanan.

Isawol ko den se
binengonan kidoen te
labon. Yan se
pengilala tepad te
pakang ko diyà te
otaw eg-ogpà dini
lanto te tanà.”




“Aw meglabon
dini te tanà, aw
kitaen se
binengonan kidoen te
labon, keeneng-enengan
ko se pakang ko kenyo aw
kedita doen pedowan dini lanto


te tanà, te eked todà
kegelà se kedita
pineokit te pegkelinep
te tanà te wayeg.”



Mèpiya se imbegay te
Timanem diyà ki Noe aw pamilya
din, aw minikagi sikandin,
“Pegbatà kaw den te medita, amon
doen munge bowad-bowad niyo
meg-ogpà doton te
kebelad te tanà.”



Se munge batà i Noe
timenà lekat te arka, yan si Sem,
si Ham (amay i Canaan), aw si
Japet. Se ditelo batà i Noe siyan,
yan se munge kemonaan te
kedita te otaw eg-ogpà
dini te keneyonan.



Ontò nedekelan te Timanem te pedowan
se kedita te otaw, aw yan se doun te
insogò din se Batà din temisa amon
eked pelumuni se kedita te otaw
memenal kandin, meneng
begayan dan te kaling
pedowan wedad
temanana.



Roma 3:23

Nekesalà se kedita te otaw. Wedad palos otaw
mekeapet te ketòlid te Timanem.

Roma 6:23

Detengan te kemetayun wedad temanana se otaw eg-inang
te salà. Meneng se ibowang te Timanem, yan se kaling
pedowan wedad temanana pineokit te pegpemenal
tadon te Pengolo tadon si Jesu Cristo.

Menge Hebreo 9:27

Keilangan mekesebad se pegkematay te kedita te otaw,
aw penga niyan okomen kidon te Timanem.



Efeso 2:8,9

Pineokit te tabang te Timanem, impelowà kaw din lekat te salà te pegpemenal niyo ki Cristo kenà pineokit te inang niyo, meneng pineokit te bowang te Timanem kenyo. Wedad palos otaw megpelangkaw-langkaw, so eked pekelowà se otaw lekat te salà pineokit te eg-inangen din.

Roma 10:9,10

Aw mikagi kaw te benal migpesakop kaw den diyà te Pengolo tadon si Jesus, aw memenal kaw te inantay sikandin te Timanem lekat te nematay, yan mekelowà kaw lekat te pelumun te Timanem. Aw melobos se pedowan tadon te pegsalig tadon diyà ki Cristo, yan eneng-enengen te Timanem te metòlid kidon. Aw meg-indan kidon te menge doma otaw te benal simalig kidon den diyà ki Jesu Cristo, yan ipelowà kidon din lekat te pelumun din.



Juan 3:16,17

Ontò nedekelan te Timanem te pedowan se kedita te otaw, aw yan se doun te insogò din se Batà din temisa amon eked pelumuni se kedita te otaw memenal kandin, meneng begayan dan te kaling pedowan wedad temanana. Insogò te Timanem se Batà din dini te keneyonan kenà amon ipelumun din se otaw, meneng insogò din amon megpelowà te otaw.

1 Juan 5:11-13

Seini se intoladà te Timanem, te doen kaling pedowan wedad temanana imbegay din kenitadon, aw imbegay din iyan pineokit te Batà din si Jesus. Se otaw kiminawà te Batà te Timanem, yan se otaw doen kaling pedowan wedad temanana. Meneng se otaw wedà kinawà te Batà te Timanem, yan se otaw wedad kaling pedowan diyà kandin. Sinolatan ko sikiyo nemenal den diyà te Batà te Timanem amon ontò niyo ketegahan te doen den kaling pedowan niyo wedad temanana.



Genesis 6 – 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Manobo, Sarangani Bible (mbs) © 1982, Wycliffe Bible
Translators, Inc. All rights reserved.

<https://www.bible.com/ur/bible/1243/GEN.1.MBS>

©2026 Bible for Children, Inc.

www.M1914.org

www.bibleforchildren.org

